



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. V. Solvuntur objectiones

[urn:nbn:de:hbz:466:1-78232](#)

DE MORALITATE ACTVS INTERIORIS.

persona, sed in jure, sicut Joannes dicitur est E-
has, non in persona, sed in spiritu: etiam quia
loquebari propheticè & in sensu mystico, ut
scilicet designaret quod minor populus, scilicet
Gentilium, substituendus erat loco majoris, sci-
licet Iudeorum. Unde ad D. Thomas loco cita-
tio in resp. ad 2. Quod in Scriptura sacra inducuntur
aliquarum gesta, quia exempla perfectæ virtutis, de qua-
bus non sunt mandata meos fuisse mentitus: si que tamen
in eorum dictis appareant, quia mendacia videantur, in-
tellegandam est ea figuratim & propheticè dicitur fuisse.
Judith quoque in verbis quæ Holoferni dixit,
cum magna cautela & prudentia locuta est, &
aliquibus amphiboliogis, non tamen mendacis,
voluit cum decipere; sicut cum dixit, quod du-
ceret illum per medium Hierusalem, & ne unus
canis latraret contra illum, nam revera illum ad-
ductora erat per medium Hierusalem, sed mor-
tuum, non vivum, defendo caput ejus &c.
Quod si in aliquo verbo fortassis mentira est,
non ex eo laudatur, sed ex charitate & affectu ad
salutem populi.

Ad id quod dicitur de homicidio, responde-
tur quod si Moyses est excusandus in occisione il-
lui Agyptii, dicendum est id fecisse, vel ex inspi-
ratione Dei, qui ad hoc ei auctoritatem tunc de-
dit, vel ob iustam proximi defensionem, quia vi-
debat fratrem suum seu proximum injuste ab il-
lo Agyptio affligi & opprimi, & non erat alia
via defendendi ipsum, quam invasorem occi-
dendo. Ad easum de Samone dicimus, illū spiri-
tu sancto instigante id fecisse, atque adeò licite,
ut docent S. Augustinus 1. de Civit. cap. 21. & 26.
& D. Thomas 2.2. quæst. 64. art. 5. ad 4. Idem
dicendum de illis sanctis fœminis, quæ tempore
persecutionis seiphas occiderunt, aut in flumen
precipitabant, ut in valores suæ pudicitiae effu-
gient, ut ibidem tradit S. Doctor.

Sedm difficultas est in verbis Hieronymi,
quibus videtur docere, licitum esse seipsum oc-
cidere ad servandam castitatem. Duplex tamen
hunc testimonio potest adhiberi responsio. Pri-
ma est, Hieronymum solum velle, licere se occi-
dere propter periculum castitatis, quando id sit
ex timore Dei, qui frequenter aut certius ad-
epta solet, cum intervenit periculum castitatis,
quam in aliis casibus. Secunda est, sentum Hie-
ronymi esse, non licere propria perire manu, et si
cautus percliteatur. Nam dictio absque, non sem-
per sumitur exclusivè, sed aliquando affirmativè
& copulativè, ut pater ex illo Cant. 4. Quam pul-
chritudo amica mea, quam pulchra es! Oculi tu columba-
rii, abque eo quod intrinsecus latet. Ubi dictio absque
non excludit quod intrinsecus latet à pulchritu-
dine, cum legamus Psalm. 44. Omnis gloria ejus
sua Regia abundant; sed tensus est, etiam pulchra es,
principiè in his que latent.

Ex dictis inferes, errasse, & grayiter peccasse
Orogenem; qui ut refert Nicephorus lib. 1. his-
tor. cap. 32. post multa perpesta supplicia pro fa-
de Christi, postmodum pro servanda castitate,
ne videlicet juvenis quidam Ethiops abuteretur
illo, fidem exterius negavit.

§. IV.

Tertia difficultas expeditur.

Dico tertio: Intentio boni finis diminuit
malitiam prævæ electionis. Ita communiter
docent Theologi contra Almainum, Lorcum,
& paucos alios,

Tom. III.

A Probatur conclusio ex communī omnī iūm
non solū Theologorum, sed etiam fidei iūm
consensu: omnes enim sibi persuatum habent,
minus peccatum esse, mentiri ad tuendam vitam
proximi, vel aliquid grave malum vitandum,
quam sola libido mentiendi. Unde D. Thomas
2.2. quæst. 2. art. 2. sic habet. Quādā bonum intentum
est me iūs, tanq; magis minuitur iūp; mendaci. Idem
doct. Gratianus Can. primū 2.2. quæst. 2. ubi ait:
Mendacium tantidē esse levius, quādā meliorem habet fi-
nem. Si uerius nullus fidelium est, qui non existi-
met eum, qui furatur ad dandam elemosynam,
minus peccare, quam qui furatur ex cupiditate
pecuniae, iuxta illud Augustini: Peior est qui concu-
piscendo, quam qui miserando furatur.

B Ratio etiam id suadet: Tum quia qui furatur
ad dandam elemosynam, habet voluntatem
minus deordinatam & minus affectam pecca-
torum non habeat pro motivo turum ut est
malum, sicut alter, sed ut induit apparet
quandam speciem boni honesti: Tum etiā quia
Turum est ab ipso minus volitum; cum non sit
volitum propter se, sed tantum propter aliud, in
quod primariō principalius, & ultimā tendit
affectus: Sed malitia moralis minuitur, cum mi-
nuitur ratio voluntarii: Ergo &c.

C Confirmatur: Sicut circumstantia aggravat
peccatum, ita & illud diminuit, ut docet D.
Thomas infra qu. 73. art. 7. Sed intentio finis est
una ex circumstantiis: Ergo sicut aggravat, ita
& diminuere potest peccatum.

§. V.

Solvuntur objectiones.

OBRITERES primū: Omnis finis, quantum-
vis sit bonus secundum se, tamen si moveat
efficaciter ad malum medium, visitatur, & effi-
citur malus, ut §. 1. vidimus: Ergo non minuit,
sed potius auger malitiam prævæ electionis. Pa-
ter consequens: nam illud quod est malum,
non minuit, sed potius auger malitiam. Unde
Augustinus lib. 5. homiliatum, homil. 7. relatus
cap. fortié 14. qu. 5. art: Quod hæc cogitatio, volo furar-
ia divitibus, ut dem pauperibus, diaboli calliditate sug-
geritur; nam si rosum quod abstulerat, auger po-
tius peccatum quam minuat.

Confirmatur: Qui furatur ad dandam ele-
mosynam, constituit ultimum finem in elemo-
syne, & non tantum in furto, cum propter ele-
mosynam faciendam, transgrediatur præcep-
tum divinum non furandi, & à Deo ut ultimo
hoc averratu: Ergo gravius peccat propter in-
tentio finis talis finis.

E Ad objectionem respondeo, quod licet in-
tentio elemosynæ, ex qua imperatur malum
medium, si mala in individuo, habet tamen spe-
ciam boni, & ex objecto est bona: unde ex hac
parte potest minuire malitiam prævæ electionis;
non quidem per se, seu per introductiōnem
aut admixtiōnem aliquid bonitatis, cuius præva-
electio capax non est, nec actus intentionis vi-
tiusa mala electione potest illū communica-
re, sed per accidens, quatenus scilicet inten-
tio elemosynæ facit furrum dñe minus volun-
tarium, & minus per se intentum. Sicut passio
antecedens, & induens ad actum malum, licet
sit mala, minuit tamen peccatum, quia facit illud
minus voluntarium.

Ad locum vero Augustini duplex potest ad-
liberi

li. 2.

DISPUTATIO SEXTA

252

hiberi solutio. Prima est, Augustinum solum velle quod ille qui furatur, & dat eleemosynam ex farto sublata, gravius peccat per accidens, quatenus scilicet reddit le impotentem ad faciendam restitutionem, ex quo nova injuria fit vero domino; & hoc innunt verba illa; *sit totum quod absulit tribuat.* Verum hæc potentia non oritur ex ipsa eleemosyna, quatenus eleemosyna est, sed ex eo quod ille qui furatur, non habet unde reddat, quod utique eodem modo sequetur, si tem furatam, non in eleemosynam, sed in ebrietatem, scorrionem, aut aliam tem impenderet: unde eleemosyna non per se, sed per accidens tantum influit in illam potentiam restituendi, subindeque per accidens tanum auger peccatum.

Secundò hæc verba, *auger potius peccatum quam minuat*, explicari posunt de augmento malitia, non quantum ad gravitatem, sed quantum ad numerum peccatorum; bi enim Augustinus agit contra hæreticos, existimantes licitum esse facere mala ut eveniant bona, sive licitum esse furari ad dandam eleemosynam; & ut talem errorum defruat, docet peccatis etiam bona intentione factis, augeri numerum peccatorum; nam cum talia peccata, etiam si minora sint peccatis mala intentione factis, revera peccata sint, & bona intentione non toteliter excusat, ut § precedentis docuimus, illis multiplicatis, non minuitur, sed potius auger numerus peccatorum.

28 Ad confirmationem dicendum cum Cajetano 2. qu. 148. art. 4. dupliciter aliquid posse habere rationem ultimi finis respectu peccatoris; primò ut quod, tanquam rem quæ ut ultimus finis appetitur; secundò ut quo, tanquam rationem propter quam in illa re ratio ultimi finis constituitur: v.g. feminina respectu luxuriosi habet rationem ultimi finis ut quod, quia est res quæ ut ultimus finis ab eo appetitur; ejus vero pulchritudo, quæ est ratio novens & inducens impudicum, ad hoc ut avertat se a Deo ut ultimus fine, & ad talen creaturam se convertat, habet rationem ultimi finis solum ut quo. Quod ergo habet rationem ultimi finis primo modo, non minuit, sed auger malitiam peccati: id vero quod tantum secundo modo est ultimus finis, potest malitiam peccati seu prævæ electionis minuere, non quidem ex ea parte quæ malum est, vel inducens ad malum, sed quatenus alias secundum se inducit rationem boni, & facit a etiam esse minus voluntarium: unde cum isto secundo modo eleemosyna habeat rationem ultimi finis, quando movet ad furandum, non auger, sed minuit malitiam furti.

29 Objicies secundò: Si aliquis ex malo fine eligit aliquid medium bonum, v.g. ex intentione adulterii eligat ire ad Ecclesiam, vel dare eleemosynam, ex bonitate talis medie electi non minuitur, sed potius auger peccatum malæ intentionis; cum tunc ex majori inclinatione in primum illum finem feratur: Ergo pariter bonitas finis intenti non minuit, sed auger malitiam prævæ electionis. Consequens pater à paritate rationis: nam siquies finis est circumstantia electionis, ita est convertit electio est circumstantia intentionis: Ergo si una non minuit malitiam, licet sit circa objectum bonum, alia pariter eam non minuet, quamvis sit circa objectum honestum.

30 Respondeo concessio Antecedente, negando consequentiam, & paritatem. Ratio discutimus

A est, quia finis est circumstantia cur, movens voluntatem ad eligendum, eique præbens rationem formalem volendi, unde ex bonitate rei intentæ potest minuere malitiam prævæ electionis, minuendo voluntarium primum, ut antea exposuimus: medium autem seu electio est circumstantia quæ respectu intentionis, & se habet ut ejus effectus, & ut quid consequens ad plam; unde etsi medium sit bonum ex objecto, non minuitur malitia prævæ intentionis, sed ponit tota malitia intentionis, redundant in ipsum medium, tanquam in ejus effectum, omninoque ejus bonitatem destruit.

B

ARTICULUS II.

Vtrum voluntas humana, ut recta sit, debet conformari divinae, non solum in voluntate formalis, sed etiam in voluntate materiali?

§. I.

Quibusdam præmissa difficultas reficitur.

C OTANDUM primò: Quod licet prima regula humanorum a Etiam, quæ est lex eterna, præcipue consistit in dictamine intellectus divini; quia tamen efficaciam & vim obligandi sumit à voluntate divina, D. Thomas hic art. 9, inquirit utrum bonitas voluntatis humana dependeat ex conformitate ad voluntatem divinam? Et responderet affirmative: quia (inquit) unumquodque rectum & bonum est, in quantum attingit ad propriam mensuram: prima autem humanæ voluntatis regula ictu mensura est divina voluntas; cum illa sit ipsa rectitudine & sanctitas per essentiam, & summum bonum, ac ultimus finis: Ergo ad hoc quod voluntas hominis sit bona, requiritur quod conformetur voluntati divina. Unde Augustinus in Psal. 32. expones illum versiculum, *Rectos docet collaudato;* ait: *Rectum cor habet, qui vult quod Deus vult.*

Notandum secundò ex eodem S. Doctor, art. 10. ejusdem questionis, quatuor modis intelligi posse, voluntatem nostram conformari divinæ in operando, secundum quartu causarum genera. Primò in genere causarum finalium, in quantum voluntas nostra vult propter eundem finem, propter quem divina. Secundò in genere causarum formalium, quia nimirum eadem est, sicut analogice, utriusque forma: & hanc habet quando operatur ex charitate, quæ est analogia divinæ dilectionis, ex qua Deus semper operatur, participatio. Tertiò in genere causarum efficienti, quatenus Deus vult aut permittit nostram voluntatem velle quod vult, & eam ad volendum applicat: & hoc modo semper voluntas nostra conformatur divinæ, quia semper vult quod Deus efficaciter decernit, aut permittit eam velle, ut fusc ostendimus in tractatu de voluntate Dei, agentes de efficacia divinorum decretorum. Denique in genere causarum materialium, & hæc conformitas consumitur ex parte obiecti, quod se habet ut materia circa quam; unde repositaria nostra voluntate, quando vult idem obiectum quod divina. Quod ut magis declaratur,

Notandum est tertio, ex qu. 13. de veritate art. 7. in obiecto voluntatis duo esse consideranda: unum quod est quasi materiale, scilicet ipsa

11